

Го баьккхина лам бу ала

Го баьккхина лам бу ала,

Цу ламанца со ю ала.

Со езначу жимчу к1анте,
Ламанца ладог1а ала. } 2р

Суьйре, 1уьйре т1еян йоблча,

Со йиц ма йе ала цуьнга.

Шийлачу мохо к1ажарж ловзош,
Лаьмнаш юккъехь со ю ала. } 2р

Со сайн даш т1ехь ю бах ала,

Некъа хьовзам хир бац ала.

И воцчуьнга со ца йобду,
Со д1айига вола ала. } 2р

Ламанца некъ вон бу але,

Соь балур бац и некъ але.

Бехказлонаш ма йе ала,
Со д1айига вола ала. } 2р